



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-148-6/25**
Datum: **19.05.2025. godine**

«Agencija za vodno područje rijeke Save» Sarajevo rješavajući po zahtjevu Općine Tešanj za donošenje rješenja o prethodnoj vodnoj saglasnosti za uređenje desne obale rijeke Usore u dužini od cca 400 m u naselju Mrkotić, općina Tešanj (II faza - nastavak radova na uređenju od profila PR 9 do profila PR 1), na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

R J E Š E N J E **o prethodnoj vodnoj saglasnosti**

1. Daje se prethodna vodna saglasnost Općini Tešanj za uređenje desne obale rijeke Usore u dužini cca 400 m u naselju Mrkotić, općina Tešanj (II faza - nastavak radova na uređenju od profila PR 9 do profila PR 1) u cilju poboljšanja uslova tečenja i sprječavanja štetnog djelovanja voda a u postupku izdavanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod sljedećim uslovima:
 - 2.1. Pripremiti investiciono-tehničku dokumentacija na nivou glavnog projekta, urađenu i revidovanu od strane pravnih lica koja imaju ovlaštenje (lista A) pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 2.2. Projektnom dokumentacijom treba da se obuhvati tehničko rješenje uređenja desne obale i korita rijeke Usore sa objektima za zaštitu od štetnog djelovanja voda na navedenoj dionici, a projekat između ostalog treba sadržavati:
 - Rješenje kojim će se urediti desna obala i korito rijeke Usore na navedenoj dionici u cilju zaštite stambenih i privrednih objekata od poplava pri pojavi velikih voda ranga 1/100 sa potrebnim nadvišenjem;
 - Trasu regulacije rijeke Usore na dionici koja se uređuje treba uklopiti u gabarite uređenog korita uzvodno i prirodnog korita nizvodno od predmetne dionice (uzvodni i nizvodni konturni uslovi) uzimajući u obzir i uticaje na infrastrukturne i druge objekte na obje obale;
 - Rješenje odgovarajuće obloge kosina u cilju zaštite od erozije sa potrebnim detaljima;
 - Hidraulički i hidrološki proračun i analize koji se odnose na određivanje nivoa velikih voda rijeke Usore u prirodnom i regulisanom stanju za različite rangove pojave uključujući i usvojeni nivo zaštite od velikih voda;
 - Situativni prikaz sa ucrtanom dionicom obuhvaćenom aktivnostima izgradnje zaštitnih objekata i uređenja korita rijeke Usore na ažurnim geodetskim podlogama (ne starijim od tri mjeseca) kao i uzdužnim i poprečnim profilima riječnog korita urađenim na bazi geodetskog snimanja, koje će se provesti za potrebe izrade ove dokumentacije. Snimanje izvesti preko operativnog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Tehnički opis rješenja uz obrazloženje rješenja i pojašnjenje efekata izgradnje zaštitnih objekata, tehničke uslove izvođenja kao i odgovarajuće grafičke priloge uobičajene za nivo izvedbenog projekta;
 - Predmjer radova u okviru koga se treba utvrditi obim radova i bilans masa za materijal koji ima svoju upotrebnu i tržišnu vrijednost i koji se može dalje koristiti (pijesak, šljunak), materijal koji će se iskoristiti za radove na uređenju vodotoka i materijal koji treba ukloniti, a isti nema upotrebnu vrijednost. Bilans masa uraditi na osnovu geodetski snimljenih podloga i

rezultata geomehaničkih istražnih radova. U zavisnosti od utvrđenog kvaliteta i količine materijala koji se planira izvaditi iz vodotoka, definisati mjesto njegovog odlaganja, odnosno daljeg korištenja;

- Proračun vučnih napona u cilju određivanja načina zaštite (oblaganja) obale, krupnoće kamenog nabačaja koji će se koristiti i sl.;
- Rješenje uvođenja zaobalnih voda i potoka koji se pojavljuju na ovom području, te broj, raspored i izgled stabilizacionih pragova i sl.;
- Prilikom definisanja normalnih profila uvažiti uslove koji se odnose prije svega na izgrađenost obale, morfologiju terena, razvojno-plansku dokumentaciju, ranije izgrađene objekte zaštite od poplava, geološki sastav korita i sl.;
- Zahvati uređenja desne obale rijeke Usore moraju uvažiti postojeće imovinsko – pravne odnose i radove svesti u pojas kojim će se najmanje narušiti privatni posjedi i parcele,
- Projektna dokumentacija treba da bude urađena na zakonski zahtijevanom nivou za ovu vrstu radova i da sadrži sve opće i tehničke elemente propisane zakonima iz ove oblasti.

3. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se, između ostalog, prilaže:
 - Investiciono - tehnička dokumentacija zahtijevana tačkom 2.1. ovog Rješenja,
 - Rješenje o urbanističkoj saglasnosti za predmetnu dionicu uređenja desne obale rijeke Usore,
 - Dokaz o riješenim pitanjima imovinsko – pravnih odnosa na prostoru na kome će se izvoditi radovi, na trasi pristupnog puta do lokacije planiranih radova,
 - Saglasnost udruženja sportskih ribolovaca općine Tešanj na termine provođenja radova na predmetnom uređenju i čišćenju korita rijeke Usore.
4. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona o vodama, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
5. Ovu prethodnu vodnu saglasnost Investitor će koristiti u postupku ishodovanja urbanističke saglasnosti i ona definiše sve uslove koje projektna dokumentacija, koja se podnosi u postupku dobivanja vodne saglasnosti i građevinske dozvole, treba ispuniti sa aspekta voda u skladu sa Zakonom o vodama.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

Obrazloženje

Služba za katastar, urbanizam i imovinsko-pravne poslove Općina Tešanj podnijela je ovoj Agenciji dana 02.09.2024. godine zahtjev za izdavanje prethodne vodne saglasnosti za uređenje desne obale rijeke Usore u dužini cca 400 m u naselju Mrkotić, općina Tešanj (II faza - nastavak radova na uređenju od profila PR 9 do profila PR 1) a u postupku izdavanja urbanističke saglasnosti za izvođenje radova.

Uz zahtjev nije dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-158-3/25 od 17.04.2025. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji izdatog dana 20.01.2011. godine od strane Porezne uprave - Kantonalni ured Zenica,
- Kopija Statuta Općine Tešanj («Službeni glasnik Općine Tešanj», broj:11/07),
- Ovjerena kopija Uvjerenja broj: 13-4/4-12-5-11959/23 SM izdatog dana 21.09.2023. godine od strane Kantonalnog poreznog ureda Zenica – Porezna ispostava Tešanj,
- Kopija katastarskog plana UR BROJ:06-26-11-2378/2025-4 izdatog dana 08.05.2025. godine od strane Službe za katastar, urbanizam i imovinsko-pravne poslove Općina Tešanj,

- Izvod iz posjedovnog lista broj 105 izdatog dana 08.05.2025. godine od strane Službe za katastar, urbanizam i imovinsko-pravne poslove Općina Tešanj
- Akt Službe za društvene djelatnosti upućen dana 14.03.2025. godine Službi katastar urbanizam i imovinsko-pravne poslove Općina Tešanj,
- Identifikacija i spisak katastarskih parcela i podaci o katastru komunalnih uređaja broj: 03-26-11-1529/25 izdat dana 25.03.2025. godine od strane Službe za katastar, urbanizam i imovinsko-pravne poslove Općina Tešanj,
- Kopija Rješenja o prethodnoj vodnoj saglasnosti za I fazu radova na uređenju desne obale rijeke Usore (od profila PR 15 do profila PR 9) broj: UP-1/21-1-40-567-3/22 izdatog dana 11.11.2022. godine od strane «Agencije za vodno područje rijeke Save» Sarajevo,
- Kopija Rješenja o vodnoj saglasnosti za I fazu radova na uređenju desne obale rijeke Usore (od profila PR 15 do profila PR 9) broj: UP-1/21-2-40-682-/22 izdatog dana 09.01.2023. godine od strane «Agencije za vodno područje rijeke Save» Sarajevo,
- Glavni projekat – Uređenje desne obale rijeke Usore u naselju Mrkotić pored jezera u dužini 500 m, općina Tešanj, urađen juna 2021. godine od strane «IBIS d.o.o. Zavidovići.
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 16.04.2025. obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 17.04.2025. u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

Aktivnost za koju je podnesen zahtjev za donošenje rješenja o prethodnoj vodnoj saglasnosti je II faza - nastavak radova na uređenju desne obale rijeke Usore od profila PR 9 do PR 1 u dužini cca 400 m na lokalitetu nizvodno od izvedene regulacije u naselju Mrkotić, općina Tešanj a u cilju zaštite od plavljenja i štetnih djelovanja usljed pojave velikih voda rijeke Usore ranga pojave 1/100.

Predmetna aktivnost obrađena je projektnom dokumentacijom: Glavni projekat - Uređenje desne obale rijeke Usore u naselju Mrkotić pored jezera u dužini 500 m, općina Tešanj, urađen juna 2021. godine od strane «IBIS d.o.o. Zavidovići.

Prema projektu, predviđen je normalni profil obaloutvrde sa osiguranjem kamenim nabačajem ($d_{sr}=40\text{cm}$) i nagibom kosine 1:1,5. Kosina iznad kamene obloge je projektovana u nagibu 1:1,5; ista je projektovana kao humuzirana sa debljinom sloja $d=20\text{ cm}$. Na kritičnim dionicama (od PR 3 do PR 2) gdje postojeća visina obale ne omogućuje evakuaciju velikih voda ranga pojave 1/100 projektovan je nasip sa širinom krune 3 m i nagibom kosine 1:1,5. Za stabilizaciju obaloutvrde predviđena je izrada kamenih stabilizacionih pragova (ukupno 6). Na kritičnim dionicama planirana je izrada nasipa kao i proširenje korita na lijevoj obali. Uređenjem korita rijeke Usore na predmetnoj dionici obezbjeđuje se proticajni profil, stabilizacija obala i sprječava štetno djelovanje voda.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodjeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan da ispuni prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava i šteta nastalih erozionim procesima na desnoj obali i u koritu rijeke Usore na lokalitetu nizvodno od izvedene regulacije u naselju Mrkotić, općina Tešanj, na osnovu člana 109. stav (1) tačka 14., a u vezi sa članom 111. Zakona o vodama i člana 17. stav (1) tačka 9. Pravilnika o sadržaju, obliku, uslovima, načinu izdavanja i čuvanja vodnih akata, valjalo riješiti kao u dispozitivu ovog Rješenja.

Upłaćeni su i posebni troškovi prema Zaključku ove Agencije broj: UP-1/21-1-40-148-4/25 od 25.04.2025. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- OPĆINA TEŠANJ
Trg Alije Izetbegovića br 1, 74260 Tešanj
- ⊖ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava